

Maqaalee Rabbii (Subhaanahu)-Kutaa 7.4

Description

C-Ibsa Aayaata maqaalee Malik, Maalik, Maliik fi jecha Mulk jedhu of keessaa qabaniîâ€‘kutaa 2

Kutaa darbe keessatti ibsa aayaata muraasaa maqaalee kanniini fi jecha Mulk of keessaa qaban ilaalle jirra. Harâ€TMas itti fufuun izni Rabbiitiin ni ilaalla. Laa hawla walaa quwwata illa billah.

قَدْ كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ قُلْ فَمَنْ يَمْلِكُ مِنَ اللَّهِ
إِنَّمَا إِنَّ أَرَادَ أَنْ يُهْلِكَ الْمَسِيحَ ابْنَ مَرْيَمَ وَأُمَّهُ وَمَنْ فِي الْأَرْضِ جَمِيعًا وَلِلَّهِ
كُلُّ السَّمَاوَاتِ وَالْأَرْضِ وَمَا بَيْنَهُمَا يَخْلُقُ مَا يَشَاءُ وَاللَّهُ عَلَىٰ كُلِّ شَيْءٍ قَدِيرٌ ﴿١٧﴾

â€œWarroonni Rabbiin Masih ilma Mariyam jedhan dhugumatti kafaranii jiru. Jedhi, â€œEenyetu Rabbiin dhoowwu dandaâ€TMaa osoo Inni Masih, haadha isaatii fi namoota dachii keessa jiran hunda balleessu fedhee?â€ Mootummaan samiwanii, dachii fi wantoota isaan lamaan jidduu jiranii kan Rabbiiti. Inni wanta fedhe uuma. Rabbiin waan hundaa irratti Dandaâ€TMaadhaâ€ Suuratu Al-Maaâ€TMida 5:17

â€œWarroonni Rabbiin Masih ilma Mariyam jedhan dhugumatti kafaranii jiru.â€ Kana jechuun Kiristaanoni Rabbiin Iisaadha jedhan haqaa waakkatanii fi mormanii jiru, soba guddaa sobanii jiru. Akka lugaatti kafaruu jechuun waa dhoksuudha. Namoonni kunniin Iisaan Gooftaa akka hin taane osoo beekanu haqa waan dhoksaniif warra kafaraniidha. Rabbiin Iisaa akka hin taanee ykn Iyyasuus gooftaa akka hin taane wanta agarsiisu keessa, â€œRabbiti osoo Masih, haadha isaatii fi namoota dachii keessa jiran hunda baalleessu fedhee eenyetu Isa dhoowwu dandaâ€TMaa?â€ Kana jechuun Osoo Rabbiin Iisaa, haadha isaatii fi namoota dachii keessa jiran balleessu fedhee, eenyetu ajaja Isaa deebisuu dandaâ€TMaa? Akkuma Kiristaanoni jedhan osoo Iyyasuus Gooftaa taâ€TMee, silaa yommuu ajajni Rabbi Iyyasuus ykn haadha isaa ykn namoota hunda balleessuf dhufu deebisuu ni dandaâ€TMaa ture. Garuu haadha isaatti ajajni duâ€TMaa yommuu dhufu, duâ€TMa ishii irraa deebisuu hin dandeenye. Kuni ragaa tokkoffaa Iyyasuus gooftaa akka hin taane agarsiisudha.

Ragaan lammafaan, â€œMootummaan samiwanii, dachii fi wantoota isaan lamaan jidduu jiranii kan Rabbiiti.â€ Wantoonni samii, dachii fi isaan lamaan jidduu jiran hundi uumamtootaa fi gabroota Rabbiiti. Ammas, kan isaan bulchuu fi tooâ€TMatu Isa. Wanta fedhe ni balleessa, wanta fedhe ni argamsiisa. Kanarraa eenyullee Isa dhoowwu hin dandaâ€TMu. Iyyasuus aleyh salaam uumamtoota samii fi dachii jidduutti argaman keessaa tokko. Kanaafu, Iyyasuus umamaa fi gabricha wayitti hajamu taâ€TMee osoo jiru, Gooftaa gabbaramaa Dureessa wanta hundarraa of dandaâ€TMee taâ€TMuu

dandaâ€™aa? Kuni wanta gonkumaa hin dandaâ€™amneedha. Iyyasuus nageenyi isarratti haa jiraatu waan dadhabuuuf ni nyaata, ni dhuga, Gooftaa isa uumetti hajama. Gooftaan nyaata, dhugaati, dadhabpii fi wayitu hajamu irraa qulqullaaâ€™e.

Ragaan sadaffaan â€œ**Inni wanta fedhe uuma.**â€ Yaanni dogongoraa guddaan Kiristaanota kanatti geesse, â€œIyyasuus abbaa malee dhalateâ€ jechuu isaaniti. Kanaafi, isa ilaachise amanti sobaa kana qabatan. Akkuma Iyyasuus abbaa malee uumame kunoo Hawwaan haadha malee uumamte. Inuma wanta uumama Iyyasuus caala nama ajaaâ€™ibsiisu qabu uumama Aadami. Adam abbaa fi haadha malee uumame. Kanaafu, maaltu Iyyusuusin gooftaa taasisa ree? â€œ**Rabbiin wanta fedhe uuma**â€ yoo fedhe abbaa fi haadha malee nama uuma, kan akka Adam. Yoo fedhe haadha malee uuma kan akka Hawwa. Yoo fedhe abbaa malee uuma, kan akka Iyyasuus. Yoo fedhe haadha fi abbaa irraa uuma, kan akka namoota hafanii. Fedhii Isaatiin uumamtoota Isaa haala adda addaatin uume. Kanaafi itti aanse ni jedha: â€œ**Rabbiin waan hundaa irratti Dandaâ€™aadha**â€

Rabbiin waan hundaa irratti dandaâ€™aadha. Wanti Isa dadhabsiisu tokkollee hin jiru. Samii, dachii fi wantoonni isan lamaan jidduu jiran hundi uumamtoota Isaati, tooâ€™annaa guutuu irratti qaba. Inni injifataa homtu Isa hin mooâ€™anneedha. Iyyusuusin, haadha isaa fi namoota dachii irra jiran hundaa balleessu dandaâ€™a [1] Garuu Iyyasuus wanta hunda irratti dandeetti qabaachu dhiisi, wanta Rabbiin irraa isatti buâ€™uyyu ofirraa deebisu hin dandaâ€™u. Haadha isaa irraayyu duâ€™a deebisuu hin dandeenye. *Kanaafu, yaa Kiristaanota! Ofii fi haadha isaa irraayyu miidhaa deebisuu kan hin dandeenye akkamitti â€œIyyusuus gooftaa addunyaa baraarudhaâ€ jechuun kadhattani ykn waaqefattanii? Haadha isaatu duâ€™arraa kan hin baraarde akkamitti addunyaa baraaraa? Sila sammuun yaadu isa dhagee?*

Rabbiin subhaanahu wa taâ€™aalaa ni jedha:



â€œ**Rabbiin Mootii haqaa taâ€™e oltaâ€™e. Isa malee dhugaan Gabbaraman hin jiru. Inni Gooftaa Arshii kabajamaati.**â€ Suuratu Al-Muâ€™minuun 23: 116

â€œ**Rabbiin Mootii haqaa taâ€™e oltaâ€™e.**â€ Rabbiin Mootii Haqaa taâ€™e guddinnaa fi guutuummaa Isaatiif wanta hin malle hundarrea qulqullaaâ€™e. Ilma, shariika (hiriyyaa) fi fakkaataa qabaachu irraa qulqullaaâ€™e. Wanta taphaa hojjachuu irraa qulqullaaâ€™e. Dadhabinna irraa qulqullaaâ€™e.

Akkuma kutaa darbe keessatti jennee Mootiin Haqaa waan hundarrea dureessa of dandaâ€™aadha, homattu hin hajamu. Akkasumas, hiika â€œhaqaaâ€ keessaa tokko wanta hin jijiramne yeroo hundaa turaa taâ€™eedha. Kanaafu, Rabbiin Mootii Haqaa yeroo hunda jiraataa gonkuma hin bannee fi hin jijiramneedha, waan hundaa irraa kan of dandaâ€™ee fi dureessa taâ€™eedha. Wantoonni hundi Isatti

hajamu. Inni Mootii haqa yeroo hundaa jiraataa taâ€™e, waan hunda irraa dureessa, wantoonni hundi Isatti kan hajaman erga taâ€™e, haqaan gabbaramaan Isa qofaa jechuudha.

Wantoonni Isaan ala jiran ni badu, ni jijjiramu. Of dandaâ€™anii ofiin hin dhaabbatan, wantoota biroo irraas miidhaa deebisuu fi faayda fiduu hin dandaâ€™an. Wanti faayda namaaf hin finnee fi miidhaa namarrraa hin deebisne akka gooftaatti ilaaluun akkamitti kadhatanii? Kanaafu, Gooftaa haqaan gabbaramu taâ€™uu hin dandaâ€™an. Gooftaan haqaan gabbaramu, yeroo hundaa Jiraata gonkumaa hin bannee fi waan hundaa irratti dandaâ€™aa taâ€™uu qaba. Sababni isaas, Jiraataa fi waan hundaa irratti dandaâ€™aa yoo taâ€™e, wanta irraa kadhatan isarraa argatan. Jiraataa kan hin taanee fi waan hundaa irratti dandaâ€™a kan hin taane irraa wanta kadhatan argachuun dandaâ€™amaa? Mee of haa gaafannu, â€œRabbiin ala yeroo hunda jiraataan gonkumaa hin duune, waan hunda hojjachuu irratti dandaâ€™aa kan taâ€™e ni jiraa?â€• Isaan ala kan yeroo hundaa jiraatu fi waan hundaa irratti dandaâ€™aa taâ€™e waan hin jirreef, â€œIsa malee dhugaan gabbaramaan hin jiru.â€• jechuudha.

â€œIsa malee dhugaan gabbaramaan hin jiru.â€• Kana jechuun dhugaan kan gadi jedhaniif, garmalee jaallatan, garmalee ol guddisan, sodaatan, waan hundaa irraa kajeelanii fi kadhatan, sagadaniif Rabbiin malee hin jiru[2].

إِنَّ الْمُتَّقِينَ فِي جَنَّتٍ وَنَهَرٍ فِي مَقْعِدٍ صِدْقٍ عِنْدَ مَلِيكٍ مُّقْتَدِرٍ

â€œDhugumatti, Muttaqoonni Jannataa fi laggeen keessa taâ€™u. Mootii Dandaâ€™aa bira teessoo dhugaa keessa taâ€™u.â€• Suuratu Al-Qamar 54:54-55

Muttaqoota jechuun warra dhugaan amananii, wanta Rabbiin ajaje hojjachuu fi wanta Inni dhoowwe dhiisun azaaba (adabbii) Isaa irraa of eeganiidha. Warri kuni Guyyaa Qiyaamaa Jannataa fi laggeen keessa taâ€™u. Jannata qananii, ishii keessa mukkeen dhedheeroo fi firiin isaanii bilchaata taâ€™e, laggeen ishii keessa yaaâ€™an, gamoo dhedheeroo, nyaataa fi dhugaati miâ€™aawoo, dubartoota mimmidhagoo, fi qananii biroo irraa wanti iiji hin agarre, gurri hin dhageenye fi qalbii namaa irra hin qaxxaamurre jiru keessa seenu.[3] Kanarratti dabalatee, Jaalala Mootii waan hundaa irratti dandaâ€™aa taâ€™ee argatu, Isatti dhiyaatu. Kanaafi ni jedha, â€œMootii Dandaâ€™aa birateessoo dhugaa keessa taâ€™u.â€•â€œTeessoo dhugaaâ€• kana jechuun teessoo gaarii fi haqaa taâ€™e, wanta faaydi hin qabnee dubbachuu fi badii hojjachuun keessa kan hin jirreedha.[4] â€œMootii Dandaâ€™aa biraâ€• kana jechuun Mootii Guddaa, Khaaliqa wanta hundaa uumee bira taâ€™u[5]. Isatti dhiyaatu. Inni waan fedhe hundaa irratti dandaâ€™aadha.

Al-jazaaâ€™u min jiinsil amal (mindaan gosa hojitiin) waan taâ€™eeef, namni addunyaa tana keessatti dhugaadhaan amanee fi hojii gaggaarii Rabbiif jedhe hojjate, Guyyaa Qiyaamaa teessumma kabajamaa Mootii Guddaatti dhiyoo taâ€™e taaâ€™a. Mootiitti dhiyaachun hangam nama gammachiisaa!!! Rabbiin subhaanahu wa taâ€™aalaa rahmata fi tola Isaatin warra san keessaa nu haa taasisu.

Kitaabban Wabii

[1] Tafsiiru Xabarii-8/267-269, Tafsiiru Saâ€™dii-249, Zaadul Masiir-fuula 368

[2] [Ash-shirku fil qadiimi wal hadiisi“ 1/fuula 53-54](#)

[3] [Tafsiiru Saâ€™dii-fuula 976](#)

[4] [Taafsiiru Xabari-22/167, Zaadul Masiir-fuula 1375](#)

[5] [Tafsiiru ibn kasiir-7/97](#)

Date Created

October 3, 2019

Author

admin